

Date	: 11 Oktober 2018
Title	: Jana pendapatan melalui 'mesin jualan runcit'
Publication	: Berita Harian
Page	: V51

BH BIL 453 KHAMIS, 11 Oktober 2018

VARSI
BERITA
bhvarsiti@bh.com.my

V51

usahawanmuda

Jana pendapatan melalui 'mesin jualan runcit'

info

→ **Muhamad Arif** turut berkongsi pengalaman perniagaan vending machine melalui penganturan seminar

➔ Menyediakan pakej mengikut kehendak pelanggan

Oleh Nor Azma Laila
norazma@bh.com.my

► Kuala Lumpur

Tahun lalu, pelajar Universiti Tenaga Nasional (UNITEN), Muhamad Arif Zainal Abidin berjaya menubuhkan perniagaan mesin jualan runcit atau vending machine untuk menjual pelbagai jenis minuman dalam tin.

Tahun ini, pelajar Ijazah Sarjana Muda Kejuruteraan Elektrik Kuasa (Kepujian) itu mengorak langkah memajukan lagi perniagaan beliau dengan menjual vending machine serta tapak sewaan kepada individu yang berminat.



Muhamad Arif menjual vending machine kepada individu yang berminat menjadi usahawan dalam bidang berkenaan.

"Melalui perniagaan ini yang dijalankan di bawah jenama Arif Zainal Official Site (AZOS) Vending, saya menyediakan pakej berdasarkan kehendak pelanggan kerana mesin yang ditawarkan itu mempunyai pelbagai pilihan.

"Pakej yang ditawarkan merangkumi tapak, mesin

baharu, pendawaian elektrik, pengangkutan, pengisian penuh produk minuman dalam mesin dan bimbingan penuh daripada syarikat untuk individu yang baharu menubuhkan perniagaan ini," katanya.

Harga pakej yang ditawarkan berbeza mengi-

kut lokasi tapak dan saiz mesin yang bermula daripada RM6,500 hingga RM15,500.

Selain pakej lengkap itu, AZOS Vending turut menyediakan bimbingan kepada pemilik mesin jualan runcit untuk mendapatkan geran dan pinjaman yang disediakan agensi ter-

tentu melalui e-book yang dihasilkan syarikat itu.

Berbekal modal rendah

Muhamad Arif berkata, e-book Rahsia Pendapatan Pasif Mesin Jualan Runcit Terbongkar itu boleh didapati dengan harga RM50 melalui pembelian dalam talian di media sosial milik AZOS Vending.

"E-book ini mengandungi 130 muka surat yang menerangkan mengenai pelbagai cara untuk membuat kertas cadangan, mendapatkan modal dan memulakan perniagaan berbekalkan modal yang rendah.

"Tujuan utama saya mengeluarkan e-book ini adalah untuk membantu masyarakat menjana pendapatan pasif melalui perniagaan mesin jualan runcit," katanya yang berjaya membantu usahawan muda menjana RM1,000 seminggu melalui perniagaan itu.

Sehingga kini, anak kedua daripada tiga adik beradik

itu sudah berjaya menjual 34 mesin jualan runcit berserta tapak, sekali gus membantu lebih ramai individu menjana pendapatan sampingan melalui perniagaan itu.

Bagi Muhamad Arif sendiri, beliau sudah mempunyai 25 mesin yang merangkumi pelbagai jenis termasuklah mesin kopi, mesin air RO dan vending machine air minuman.

"Meskipun tumpuan kini lebih menjuruskan kepada penjualan mesin, saya masih meneruskan perniagaan vending machine untuk menjual pelbagai jenis minuman dalam tin di lima lokasi terpilih, termasuk di kampus UNITEN.

"Saya dibantu dua kakitangan yang akan menguruskan operasi vending machine manakala saya pula menjalankan tugas membuat promosi dan jualan bagi mencari lebih ramai pelanggan berpotensi yang ingin bergelar usahawan vending machine pada masa depan," katanya.